

外科樞要

醫林要卷之三

薛氏醫按

吳郡薛

已著

新都吳玄有校

腎癰

男婦全用

腎膀胱經部分也居小腹之後此陰中之陰其道遠其位僻雖太陽多血氣運難及血亦罕到中年後尤慮此患治者毋傷脾胃毋損氣血但當固根本爲主若癰硬作痛者形氣虛而邪氣實也用托裏消毒散主之微癰微痛者形氣病氣俱虛也用托裏散補之欲作膿用托裏羌活湯若痛甚用仙方活命飲大勢

既退亦用托裏消毒散若脾虛不能消散或不潰不
斂者六君子加芎歸黃芪若陰虛不能消散或作渴
便淋者六味丸加五味子若陽虛不能潰或膿清不
能斂者用補中益氣湯氣血俱虛者十全大補湯若
癰硬未成膿者用隔蒜灸活命飲潰後豆豉餅補中
益氣十全大補二湯若灸後大勢已退餘毒未消頻
用葱熨以補其氣以消餘毒爲善

治驗

巡撫陳和峯脾胃不健常服消導之劑左腿肢及膝
患癰余曰此脾氣虛而下注非瘡毒也當用補中

集倍加白朮彼惑於衆論云白朮能潰膿乃專以按
瘰消毒爲主而瘰益甚體益倦余用白朮一味煎飲
而消

儒者楊啓元左臀患此敷貼涼藥腫徹內股服連翹
消毒散左體皆痛余以爲足三陰虧損用補中益氣
湯以補脾肺用六味丸加五味以補肝腎股內消而
臀間潰又用十全大補湯而瘡口斂

一儒者腫焮痛甚此邪毒壅滯用活命飲隔蒜灸而
消後因飲食勞倦瘰痛仍作寒熱頭疼此元氣虛而
未能復也與補中益氣湯頻用葱熨法兩月而愈

一男子漫腫而色不變脈滑數而無力膿將成
用托裏而欲針彼畏針而欲內消誤用攻伐
加惡寒發熱自汗等症余用十全大補湯數劑
色赤仍外針內補而愈

昆庠吳輔之父患此內潰腫脹發熱口乾飲食少思
此脾胃虛弱也先用六君加芎歸芪數劑而潰又用
十全大補湯倍加參芪五十餘劑而愈

南濠沈克章子年三十脈如屋漏雀啄腫硬色天
水清稀誤服敗毒之藥余曰此足三陰虧損而藥
也余用六君加歸芪附子一錢二劑腫潰色赤

減附子五分數劑元氣復而瘡愈

一男子硬痛發熱此膀胱氣虛而濕熱壅滯用內托羌活湯二劑熱痛悉退後用托裏消毒散而潰又用托裏散四十餘劑而斂

平湖袁上舍患痔外敷寒涼內服消毒攻潰於臀膿水清稀脈洪大而數寒熱作渴余辭不治後果歿此足三陰虧損之症失滋化源以致真氣益虛邪氣愈甚矣不死何俟

囊癰二

謂陰囊患癰

囊癰屬肝腎二經陰虛濕熱下注若小便澀滯者先

分利以泄其毒繼補陰以令其自消若濕熱退而仍
腫痛宜補陰托裏以速其膿膿歛而便秘者熱毒壅
閉也先用托裏消毒散後用針以泄之膿去卽解若
膿去而腫痛不減者熱毒未解也用清肝養榮湯口
乾而小便數者腎經虛熱也六味丸內熱晡熱者肝
經血虛也四物加參朮體倦食少者脾氣虛熱也補
中益氣湯膿水清稀者氣血俱虛也十全大補湯此
症雖大潰而羖丸懸露治得其法旬日肉漸生而愈
若專攻其瘡陰道益虛則腫者不能潰潰者不能斂
少壯者多成痼疾老弱者多致不起亦有患痔漏久

而串及於囊者當兼治其痔切忌寒藥剋伐虧損
氣

治驗

給事陸貞山瘰癧赤脹痛小便瀼瀼滯寒熱作渴此肝腎
陰虛濕熱下注也當清肝火除濕毒遂用柴胡炒龍
膽吳茱萸炒黃連當歸銀花皂角刺赤芍藥防風木
通甘草節一劑瘰癧痛漸退少加防風木通川芎茯苓
作飲下滋腎丸以補陰其熱瘰癧俱退但內有一條筋
不消此肝經血氣虛損也當滋腎水用六味丸料去
茯苓加五味二劑再用補中益氣加茯苓作飲送滋

腎丸筋頓消而愈

京兆朱二峯陰囊脹痛彼以爲疝余診其脉數而滑此囊癰也因肝腎二經陰虛濕熱所致膿已成矣服活命飲一劑而潰更用補陰托裏而斂

知州王汝道先晡熱發熱肢體倦怠入房則腿足酸軟足心熱至腿膝六脉洪數兩尺爲甚余以足三陰虛欲滋補化源彼反服苦寒降火之劑後陰囊腫脹用治疝之藥腫脹益甚形氣愈虛服溫補之劑腫痛止攻小便不利兩尺脉洪滑按之虛甚余曰此囊癰也因氣血虛而不能潰先用補中益氣湯加山藥山

柴萆軍前子柴胡山梔一劑腫脹頓消隨用六味丸
料加車前牛膝柴胡山梔一劑小便漸通乃用活命
飲與前二藥消息兼用至二十餘劑囊裂出穢膿甚
多乃用托裏消毒散六劑膿穢清又用托裏散數劑
膿水漸少更用補陰托裏散及十全大補五十餘劑
而痊

儒者陳時用考試不利一夕飲燒酒入房妻不納翌
日陰囊腫脹焮痛遣人求治余以除濕熱清肝火之
劑城門夜閉不及歸服翌早報云夜來陰囊悉腐玉
莖下面貼囊者亦腐此肝火挾酒毒而濕熱熾盛也

仍以前藥加參芪歸朮四劑腐肉盡脫羖允懸掛用
大補氣血并塗當歸膏囊莖全復而愈

一膏梁之客陰囊腫脹小便不利此中焦積熱乘虛
下注先用龍膽瀉肝湯加黃柏知母黃連牛膝四劑
漸愈後用補陰八珍湯加柴胡山梔而愈後不守禁
忌前症復作仍用補陰八珍湯補中益氣湯六味丸
而痊又因勞發熱自用四物黃柏知母之類虛症悉
具瘡口開大余謂五臟氣血俱虛也朝用補中益氣
夕用六君子加當歸各五十餘劑瘡口漸斂又用六
味丸調補全愈

府庠李達卿素腎虛發熱久服黃柏知母之類形體
漸瘦遺精白濁晡熱唾痰余曰此腎水虧損虛火內
熾用補中益氣之類加五味麥門前症將愈又別用
清熱涼血之劑飲食少思唾痰不止余以爲脾肺復
虛不能攝涎歸源仍用前湯加茯苓半夏而愈後入
房頭暈吐痰腰骨作痛大小便道牽痛余曰此精已
耗而復竭所致危殆之症也遂朝用前湯加麥門五
味夕用六味丸料加五味子萆薢五十餘貼諸症頓
退後又入房陰囊陰莖作痛別用淡滲之劑陰囊內
潰余用補陰托裏之劑出膿甚多喜腫消痛止竟不

善調養以致大便不通小便如淋痰涎上湧余曰腎虛之症復作矣誠爲可慮有保其可生者用礞石滾痰丸牛黃清心丸之類吐痰愈加余曰非惟無以保其生而反促其危矣固辭不治後果殁

一男子醉而入房陰囊腫脹大如斗小腹脹悶小水淋赤發熱口乾痰涎壅甚此膀胱陰虛酒毒所乘也用六味丸料加車前牛膝作飲下滋腎丸諸症頓退再加五味麥門二劑而愈却以補中益氣加麥門五味調理而康若用淡滲復損真陰決致不起

懸癰謂瘡生於玉莖之後穀道之前屬足三陰虧損
之症輕則爲漏瀝盡氣血而亡重則內潰而卽殞若
初起濕熱壅滯未成膿而作痛或小便瀇滯用龍膽
瀉肝湯瘰癧痛甚仙方活命飲並以製甘草佐之如
此雖患亦輕雖積亦淺若不能成膿或膿成不潰者
八珍湯補之若膿已成者急針之欲其生肌收斂腎
虛者六味地黄丸血虛者四物加參朮氣虛者四君
加芎歸脾虛者補中益氣湯氣血俱虛者八珍湯并
十全大補湯若用寒涼消毒則誤矣

治驗

尚寶鮑希傳足發熱服四物黃柏知母之類年餘患
囊癰唾痰作渴飲湯其熱至膝更加芩連二陳熱痰
益甚謂余曰何也余曰此足三陰虧損水泛爲痰寒
涼之劑傷胃而甚耳遂先用補中益氣夕用六味丸
間佐以當歸補血湯半載乃愈

趙州守患此症癰多作痛五月餘矣晡熱口乾盜汗
食少體倦氣短脉浮數而無力此足三陰氣血虧損
用補中益氣加製甘草五味麥門三十餘劑食進勢
緩又用六味丸料五十餘劑膿潰瘡斂後因怒作痛
少食脇痛發熱仍用前藥賴其稟實慎疾而愈

遘府張敬之患前症久不愈日晡熱甚作渴煩喘或
用四物湯黃柏知母之類前症益甚肢體倦少食大
便不實小便頻數謂余曰何也余曰此脾虛之症前
藥復傷而然余遂用補中益氣加茯苓半夏數劑飲
食漸進前症漸愈更加麥門五味調理乃痊經云脾
屬太陰爲陰土而生血故東垣先生云脾虛元氣
下陷身熱補中益氣湯支體倦怠等症用補中益氣湯以升
補陽氣而生陰血若誤認爲腎虛輒用四物黃柏知
母之類反傷脾胃生氣是虛其虛矣况黃柏知母乃
瀉陽損陰之劑若非膀胱陽火盛而不能生陰水以

致發熱者不可用也

一儒者患此服坎離丸及四物黃柏知母之類不應
脈浮洪按之細微余以爲足三陰虛用托裏散及補
陰托裏散漸愈又用六味丸補中益氣湯調補化源
半載而痊大凡瘡瘍等症若腎經陽氣亢盛致陰
不能化生而患陰虛發熱者宜用坎離丸取其苦寒
能瀉水中之火令陽氣衰而水自生若陽氣衰弱致
陰水不能化生而患陰虛發熱者宜用六味丸取其
酸溫能生火中之水使陽氣旺則陰自生況此症屬
腎經精氣虧損而患者十有八九屬腎經陽氣亢盛